

天鎮縣志卷之六

知縣張坊補輯

孝友

孝友為百行之原固名教綱常之所攸繫亦鄉黨宗族所艷稱者也十室之邑必有忠信乃志傳無聞殊為憾色况天民敦龐秉性皆良匹夫一二為善有不愧前賢者表而識之所以風後起者志孝友

王鐸先世為士夫族家將軍廟事父圖先繼母馮以孝聞父患癰痿鐸衣不解帶躬負上下者數年歲大荒父

病危令其散家穀以賑村人驛遵父志悉發倉貯存活者百人雖家中落而不怨前令陳給額旌其孝行至今年五十餘撫幼弟四人皆為婚配鄉里無間言

程應愛由江左徙靜樂奉撥居姜后屯父福母正氏兄應象嫂徐氏弟應通一門仁壽家事依次掌管姪善賢九人孫慶公八人曾孫祥楨輩勇女四十口五世同居毫無間言家世慶業薄地五頃歲入僅敷出日饗飧先力作次童穉次婦人内外操作有條不吝歲冬夏布八十疋棉百斤衣成齊著由小至大井井有法度穉子解號

泣稍長知推讓人稱瑞氣所感鄰家子媳相詬諍者其
父母輒禁之母使聲聞程氏其感人如此知縣張坊改
其村為義門村請院司道府給孝友傳家額以旌其
廬

宋朝恩邑東雙寨人寨東屬天城西屬陽和恩祖永祿永
寶父旺喜兄弟世居兩寨中友愛無間治家有法傳朝
正等兄弟七人子姪連等十一孫廷元九曾孫通順二
男婦五十二日六世同居百年共爨闕以北皆稱其義
子弟務農外則服賈習藝以贏餘歸家長而不自私家

道雖與食指浩繁妯娌子媳終無異志知縣張坊以六
世同居額旌其廬